

quæ peccati, quia propter Christum habemus reconcili-
ationem certam & firmam, si creditis, etiam si heret
peccatum in carne vestra.

Semper debet in cōspectu esse promissio, quod Deus
propter suam promissionem, propter Christum velit
esse propicius, velit iustificare, non propter legem, aut
opera nostra. In hac promissione debent pauidæ con-
scientiæ querere reconciliationem & iustificationem, hac
promissione debent se sustentare, ac certo statuere, quod
habeant Deum propiciam, propter Christum, propter
suam promissionem. Ita nunc possunt opera conscientiam
reddere pacatam, sed tantum promissio. Si igitur propter
dilectionem & opera alibi querenda est iustificatio, &
pax conscientie, ergo dilectio & opera non iustificat,
& si sunt virtutes & iusticie legis, quatenus sunt imple-
tio legis. Et eatenus hæc obedientia legis iustificat iu-
sticia legis, Sed hæc imperfecta iusticia legis non est ac-
cepta Deo, nisi propter fidem. Ideo non iustificat, id est,
neque reconciliat, neque regenerat, neque per se facit accep-
tos coram Deo.

Ex his constat sola fide nos iustificari coram Deo,
quia sola fide accipimus remissionem peccatorum & re-
conciliationem, propter Christum, quia reconciliatio
seu iustificatio est res promissa propter Christum, non
propter legem. Itaque sola fide accipitur. Etsi donato spi-
ritu sancto sequitur legis impletio.

RESPONSIO AD ARGV- menta aduersariorum.

Cognitis autem huius causæ fundamentis, videlicet
discrimine legis & promissionum, seu Euan-
gelij, facile erit diluere ea quæ aduersarij obijciunt. Ci-
tant enim dicta de lege & operibus, & omittunt dicta de

O iij promissionibus